



statuts e reglaments

Artitgel 1

Num e sedia:

L'Uniun per la Litteratura Rumantscha (ULR) è ina societad conform a l'artitgel 60 e suandant dal cudesch civil svizzer. La ULR furma ina societad affiliada da la Lia Rumantscha. La sedia da la ULR è quella dal secretariat.

Artitgel 2

Scopo:

La ULR promova la litteratura rumantscha.

Finamiras concretas

La ULR s'engascha spezialmain

§ per porscher in lectorat ad auturas ed auturs

§ per sustegnair prelecziuns dad auturas ed auturs

§ per realisar ils Dis da litteratura

§ per edir la revista Litteratura

§ per ina chasa editura rumantscha

§ per sustegnair projects litterars singulars

Artitgel 3

Commembranza

Commembra u commember da la ULR po daventar mintga persuna che sustegna las finamiras da l'uniun.

Artitgel 4

Fin dalla commembranza

La commembranza finescha cun la sortida, l'exclusiun u la mort.

Artitgel 5

Organs

Ils organs da la ULR èn:

§ la radunanza generala

§ la suprastanza

§ ils revisurs da quint

§ il secretariat

§ il comité dals Dis da litteratura

§ la redacziun da la Litteratura

§ autras gruppas da project

Artitgel 6

Radunanza generala

La radunanza generala è l'organ suprem da la ULR. Ella dispona da las sequentas prerogativas:

§ ella accepta e modifitgescha statuts ed urdens da la ULR

§ ella elegia la suprastanza, il president ed il revisurat

§ ella fixescha la contribuziun annuala

§ ella approva quint, bilantscha e budget

§ ella dat distgargia als organs

§ ella è l'istanza da recurs envers decisiuns da la suprastanza

Artitgel 7

Convocaziun da la radunanza generala

a) La radunanza generala ordinaria ha lieu ina giada l'onn. Ella vegn convocada da la suprastanza.

b) La radunanza generala fixescha mintgamai la data da la proxima. Novas tractandas per mauns da la suprastanza èn d'inoltrar almain trais mais ordavant.

c) Lieu, datas e tractandas vegnan communitgadas a las commembras ed als commembers il pli tard trais emnas avant la radunanza.

d) La radunanza na dastga betg concluder davart tractandas che na figureschan betg sin la glista da tractandas.

Artitgel 8

Radunanza generala extraordinaria

a) La suprastanza po tenor basegn convocar ina radunanza extraordinaria.

b) Ella è obligada da convocar ina tala sin dumonda en scrit d'almain 15 da las commembras e dals commembers activs.

Artitgel 9

Dretg da vuschar

Mintga commembra e mintga commember preschent ha il dretg d'ina vusch da votaziun. Votaziun per procura n'è betg admissa.

Artitgel 10

Elecziuns e votaziuns

a) Premess ch'ils statuts na prescrivian nagut auter, prenda la radunanza da las commembras e dals commembers sias decisiuns e fa elecziuns cun la maiortad da las vuschs entradas.

b) En cas da paritad da las vuschs tar votaziuns dat la persuna che presidescha l'uniun la decisiun. En cas d'egualitad da vuschs tar tschernas vegni tratg la sort.

c) La maiortad qualifitgada da las vuschs entradas (2/3 da las commembras e dals commembers preschents) è dumandada per la dissoluziun da la ULR e per la modificaziun dals statuts en vigur.

d) Las votaziuns succedan cun plimaun. Las elecziuns, l'admissiun e l'exclusiun da commembras e commembers pretendan scrutini.

Artitgel 11

La suprastanza

a) La suprastanza sa cumpona dal president u da la presidenta e da 2-4 commembras u commembers. Ella sa constituescha senza.

b) La suprastanza vegn elegida per ina perioda da dus onns e po vegnir reelegida.

c) Las proporziuns tranter las regiuns èn da resguardar commensuradamain.

Artitgel 12

Duairs da la suprastanza

a) La suprastanza è l'executiva da la ULR. Ella è responsabla per tut las fatschentas che n'èn betg resalvadas ad auters organs da la ULR.

b) La suprastanza represchenta la ULR vers enora.

c) La suprastanza infurmescha commembras e commembers davart sias decisiuns e davart las fatschentas currentas

d) La suprastanza è responsabla per il secretariat e per las gruppas da lavur.

Artitgel 13

Decisiuns da la suprastanza

La suprastanza prenda sias decisiuns cun plimaun. En cas d'egualitad da las vuschs decida la persuna che presidescha l'uniun.

Artitgel 14

Indemnisaziun

La suprastanza ed ils organs da la ULR vegnan indemnisads per lur lavur.

Artitgel 15

Contabilitad e revisurat

- a) La contabilitad annuala po vegnir surdada ad in biro fiduciari.
- b) Ils quints da la ULR vegnan revisurads da duas persunas. Quellas vegnan elegidas da la radunanza generala regulara per ina perioda da dus onns. Ellas èn reelegiblas.
- c) Las persunas che fan il revisurat han d'examinar mintg'onn la contabilitad da la ULR e da preschentar in rapport en scrit a la radunanza generala.

Artitgel 16

Secretariat

- a) Il secretariat è post d'infurmaziun e biro da la ULR.
- b) La secretaria u igl secretari vegn elegì da la suprastanza.
- c) Tut ils detagls èn stipulads en in reglament spezial.
- d) Il post da secretariat po vegnir reparti entaifer la suprastanza.

Artitgel 17

Lectorat

- a) La ULR porscha in lectorat per auturas ed auturs.
- b) Tut ils detagls èn stipulads en in reglament spezial.

Artitgel 18

La revista Litteratura

- a) La ULR edescha la revista Litteratura.
- b) La redacziun da la Litteratura vegn elegida da la suprastanza.
- c) Tut ils detagls èn stipulads en in reglament spezial.

Artitgel 19

Dis da litteratura

- a) La ULR è purtadra dals Dis da litteratura.
- b) Ils Dis vegnan organisads dal comité dals Dis da litteratura. Il comité sa constituescha sez.
- c) Tut ils detagls èn stipulads en in reglament spezial.

Artitgel 20

Finanzas

- a) Il fundus da l'ULR sa constituescha sco suonda: - contribuziuns annualas da sias commembras e da ses commembers. La contribuziun po muntar a maximalmain 100.- CHF.- contribuziun da la Lia Rumantscha- vendita da cudeschs - donaziuns- tschains
- b) La ULR stat buna cun sia facultad. Ina responsabladad persunala dals commembers è esclusa.

Artitgel 21

Dretg da suttascripziun

La persuna che presidescha l'uniun ed in commember u ina commembra da la suprastanza segnan obligatamain per la ULR.

Artitgel 22

Midada da statuts

- a) La radunanza generala po midar entiramain u parzialmain quests statuts cun la maioritad qualifitgada da las vuschs entradas.
- b) Tar mintga midada èsi da respectar la finamira da la ULR.

Artitgel 23

Dissoluziun

La dissoluziun da la ULR è pussaivla sulettamain cun la maioritad qualifitgada d'ina radunanza generala a la quala è preschenta almain la mesadad da las commembras e dals commembers. Sch'il dumber dals preschents na cuntanscha betg la mesadad da las commembras e dals commembers, po vegnir convocada ina segunda radunanza. Questa radunanza decida independentamain dal dumber dals preschents be anc cun la maioritad qualifitgada. La facultad stat a disposiziun diesch onns tar la Lia Rumantscha per ina nova uniun cun miras sumegliantas. Sch'ina tala na vegn betg fundada, va la facultad vi a la LR per intents da la litteratura rumantscha.

Artitgel 24

Vigur

Quests statuts entran en vigur sch'els vegnan acceptads da la maioritad qualifitgada d'ina radunanza da commembras e commembers.

Quests statuts èn vegnids approvads en lur furma revedida da la radunanza generala dals 29 da mars 2004 a Cuira.

Els remplazzan ils statuts dals 26 da settember 1993, segnads dal president d'alura, Flurin Spescha, e da l'actuara da lez temp, Sora Florentina Camartin.

Il president: Giovanni Netzer

L'actuara: Fabiola Carigiet

Quests statuts èn vegnids revedids parzialmain ed approvads da la radunanza generala dals 4 da matg 2019 a Cuira.

La presidenta: Viola Pfeiffer

L'actuar: Walter Rosselli